



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Nobili Viro Marchioni Estensi.

**urn:nbn:de:hbz:466:1-20020**

stularunt ut cùm propter causas prædictas meritò fuerit appellatum, sententias ipsas decerneremus irritas & inanes. Ad ea verò quæ præfatus Archiepiscopus super propria spoliatione proposuit responde-  
runt quòd ipsum nequaquam spoliatum credebat, sed si de iplius spoliatione con-  
staret, quòd ei debita fieret restitutio pro-  
misérunt. Cùmque ipse Archiepiscopus fa-  
teretur contra jamdictas fuisse sententias provocatum, sed provocationem ipsam negaret ex causis propositis factam esse, ac  
procuratores prædicti per duos ex ipsis &  
Archidiaconus Argolicensis, qui procurator non erat, se id in præsentia nostra dic-  
erent probatu-  
ros, & propter hoc etiam parati essent obligare omnia bona sua, nos,  
licet per hoc ad decisionem negotij legiti-  
mè procedere non possemus, cùm iidem in una eademque causa de jure non possent esse procuratores & testes, ad cautelam tamen ipsorum juramentis recipi, & fratre-  
num nostrorum consilio sic duximus pro-  
videndum; ut videlicet dicti nobiles cor-  
poraliter exhibeant juramentum quòd pa-  
rebunt præcisè mandatis quæ ipsis per lit-  
teras aut Legatum vel delegatum nostrum super hoc duximus facienda, & tunc rela-  
xata denuntientur sententiæ supradictæ, cognitione negotij principalis & aliorum quæ idem Archiepiscopus proposuit coram nobis, Legato quiem ad partes illas de la-  
tere nostro destinare proponimus reserva-  
ta. Ideoque discretioni vestra per aposto-  
lica scripta mandamus quatenus recep-  
to à præfatis nobilibus secundùm formam expressam superius juramento sententias ipsas denuntietis auctoritate apostolica re-  
laxatas, & si præscripta appellationis cau-  
sa coram ipso fuerint probata Legato, ni-  
hil eis occasione dictarum sententiarum in-  
jungatur, sub debito præstiti juramenti.  
Quòd si non omnes &c. duo vestrum &c.  
Vos denique, frater Episcope, & fili elec-  
te, super vobis ipsis &c. Datum Signia  
vii. Kal. Septembris, pontificatus nostri anno sextodecimo.

*ABBATI ET CONVENTVI  
de Valle sancti Petri Cisterciensis ordinis.*

Epiſt. 99.  
Committitur  
ei execuſio eu-  
ſiūdā ſenten-  
tia.  
\* Cod. Colb.,  
Hubbeſvage

I Vſis petentium desideriis &c. usque af-  
fenſu, diſcretivam ſententiam quam pro vobis major Decanus Colonensis &  
conjudices ejus contra nobilis virum Ar-  
noldum de Hukensvage ſuper allodium in  
Callele rationabiliter promulgarunt, ſicut eft justa nec legitima provocatione ſu-  
ſa, auctoritate apostolica confirmamus &

prætentis ſcripti patrocinio communimus.  
Nulli ergo &c. confirmationis &c. usque incurſurum. Datum Signia ix. Kal. Sep-  
tembris, pontificatus nostri anno sextode-  
cimo.

*ABBATI ET CONVENTVI  
de Alba Ciferciensis ordinis.*

S Olet annuere ſedes apostolica &c. usque affenſu, poſtſionē de Otteſvile, de Raſtede, de Winkil, de Hart, de Malſe, de Lindehart, de Schivenhart, de Brechein, de Terdingen, de Bernardeſ, vuilre, de Diethenhuſen, de Delenbruunnen, & de Molebraunne, ac alia bona veſtra, ſicut ea omnia iuste ac pacificè poſſi-  
deris, vobis & per vos monaſterio veftro auſtoritate apostolica confirmamus & præ-  
tentis ſcripti patrocinio communimus. Nulli ergo &c. confirmationis &c. usque incurſurum. Datum Signia ix. Kal. Septembr. pontificatus nostri anno sextodecimo.

*PRÆP O S I T O F E R R A R I E N S I.*

C Vm tibi curam & administrationem maſſæ de Ficarolo duxerimus com-  
mittendam, mandantes ut prouentus eius recipiens, ad opus noſtrum reſervares eosdem, miramur quòd nihil nobis ſuper hoc reſcriberem curavisti. Quocirca per aposto-  
lica tibi ſcripta præcipiendo mandamus quatenus quicquid ſuper hoc feceris nobis quantociùs ſcribere non omittas, & loci prædicti curam & administrationem ha-  
beas diligenter; contradictores aut deten-  
tores, ſi qui fuerint, per cenzuram ecclieſtaſticam appellatione remota compescens.  
Datum Signia vii. Kal. Septembr. pon-  
tificatus nostri anno sextodecimo.

*NOBILI VIRO MARCHIONI  
Efſenſi.*

I Nter alias rationes ea conſideratione potiſſimum clara memoria patri tuo De Marchia Anconitanare. vocanda.  
Anconitanam Marchiam in feudum duxi-  
mus concedandam, quia promiferat nobis quòd eam valida manu ingrediens, ipſam ad Eccleſiae Romanae dominium revoca-  
ret. Sperantes autem te in eodem negotio proceſſurum, ſicut tuis nobis litteris inti-  
mati, ſuper hoc literas tibi tranſiſimus quales vidimus expedire. Verū cùm in hoc nondum proceſſeris, & de levi, maxi-  
mè temporibus iſtis, Marchiam ipſam ad dominium noſtrum revocare poſſimus, nobilitati tua per apostolica ſcripta man-  
damus quatenus in negotio ipſo procedas. Alioquin, ne diutiū Eccleſia ſpoliata re-  
H H h h ij

maneat, nos procedemus in ipso sicut vi-debimus expedire. Datum Signæ v. Kal. Septembri, pontificatus nostri anno sex-todecimo.

*ARCHIEPISCOPO, IUDICIBVS  
& Consulibus Beneventanis.*

Epiſt. 103.  
De nezotio  
Thomafij de  
Aquinæ.

**L**icet nobilis vir Thomasius de Aquino cum sociis suis de mandato nostro captus non fuerit, volentes tamen indemnitati vestra paterna sollicitudine prae-cavere, saepe vobis super hoc scripta nostra direximus, qualia pro tempore novimus expedire. Iple vero, ersi quoddam modicum castrum germani nostri, quod dicitur Broccus, iuste detineat contra regiam iussionem, unde gratum nobis existeret. Quia vos ad illud reddendum posset induci, ut non vestrum sollemmodo commo-dum, sed etiam nostrum procuraretis honorem, liberationem tamen ipsius, qui propter hanc causam captus non fuit, nouumus impeditre, sed vobis utique credimus profuturum si nobis curaveritis in hac parte deferre, ut nos propensius ad vestrum inducatis profectum, etiam si conditionem ipsius oporteret vos propter hoc in aliquo facere meliorem, cum per divinæ miserationis auxilium potentes simus vobis in majoribus respondere. Vos ergo intellecto beneplacito nostro, tamquam viri providi & fideles, agatis quod utile fuerit & honestum, necessariam adhibentes cautelam ne circumveniri possitis; quia quantum vobis valeat compositio inter vos & illum tractata sine nostro favore prodesse, vestra, sicut credimus, discretio non ignorat. Datum Signæ IIII. Kal. Septembri, pontificatus nostri anno sextodecimo.

*ILLVSTRI CONSTANTINOPOLITANO  
Imperatori.*

Epiſt. 104.  
Ex commendat  
Legatum.

**I**psæ summus angularis lapis Iesus Christus, in quo omnis ædificatio construenda crescit in templum sanctum in Domino, Ecclesia fundamentum & fundator existens, inter cetera quibus salutaria providit remedia populo Christiano ad consolandum fidei unitatem, ut & unus pastor esset & unum ovile, sedem apostolicam totius Christianitatis caput instituit & magistrum; à qua sicut unguentum in capite, quod descendit in barbam Aaron, & ad oram etiam vestimenti, panis intellectus & vita ad alias procedat Ecclesiæ, cum doctrina fidei & aqua sapientiae salutaris. Sanè pastor ipsius & rector, cùm ab eo plus Dominus exigat cui plura committit,

ut in talento sibi credito negotietur utiliter, portat onera gravia cum plenitudine potestatis, sic in uno loco personaliter res fidens quod propter eventus plures & variis in spiritu per plura diffunditur & trahitur ad remota; quantóque magis potestas extenditur, tantò majori sollicitudine occupatur. Verum ne inter curas continuas & prægrandes pro defectu imperfectionis humanae deficeret, si solus consumendus inani labore ad suam sollicitudinem omnia revocaret, attendens quod messi multæ operarius unus non sufficit, multos sibi operarios & coadjutores adjungit, ac per eos exequitur quod per se non potest personaliter adimplere. Porro expedit ut cum fratribus onera partiat, sic vices suas aliis committendo ut intelligatur ipsemet facere quod per alios fieri decernit, illius instructus exemplo qui discipulos suos in universum mundum ad prædicandum direxit. Cum igitur non solum necessitas Ecclesiæ, sed etiam utilitas Constantinopolitani imperij postularit illuc à latere nostro destinari Legatum, nos ad exaltationem & commodum Ecclesiæ pariter & imperij, necnon personæ tuae specialiter intenden-tes, ut in missi persona mittentis notetur affectus, illum ad partes ipsas duximus destinandum quem inter fratres nostros speciali diligimus caritate, videlicet venerabilem fratrem nostrum Pelagium Episcopum Albanensem, virum litteratum, providum, & honestum, nobis & fratribus nostris carum admodum & acceptum. Ipsum igitur magnum Ecclesiæ Dei membrum, immo personam nostram in ipso, benignè recipias & honestè pertractes: cui nos vices nostras commisisimus, ut juxta verbum propheticum evellat & destruat, ædificet & plantet quæ secundum Deum evellenda & destruenda, necnon ædificanda cognoverit & plantanda. Ipsius itaque salubribus monitis & consiliis reverenter intendas, de cuius circumspectione provida & prævidentia circumspeta plenam fiduciam obtinemas quoniam dirigente Domino gressus ejus sic via regia curabit incedere quod non declinabit ad dexteram vel sinistram. Datum Signæ IIII. Kal. Septembri, pontificatus nostri anno sextodecimo.

*In eundem ferè modum nobilibus viris Comitibus, Baronibus, & universis Christi fidelibus sub Constantinopolitano imperio constitutis, verbis competenter mutatis.*

